

TH. VI  
13  
DISPUTATIO MEDICA  
INAUGURALIS

DE

# CRISIS.

QUAM

FAVENTE DEO OPT. MAX.

*Ex Auctoritate Magnifici Rectoris,*

D. FRIDERICI SPANHEMII, Fil. S. S. Th.

Doctoris, Ejusdemque Facultatis in Illustri Academia Lugd.

Bat. ut & Antiquitatis Ecclesiasticæ Profess. Primarii,

Ecclesiastæ disertissimi, Acad. Bibliothecarii,

NEC NON

*Amplissimi Senatûs Academici unanimi Consensu,*

*& Almæ Facultatis MEDICÆ Decreto,*

PRO GRADU DOCTORATUS,

Summisque in MEDICINA Honoribus ac Privilegiis  
ritè & legitime consequendis,

*Publico examini subjicit*

JACOBUS AUGUSTUS BLONDEL, Parisinus.

*Ad diem 17 Julii, horis locoque consuetis.*



LUGDUNI BATAVORUM,


Apud ABRAHAMUM ELZEVIER,

Academiæ Typographum. MDCXCII.

WELLINGTON  
NEW ZEALAND  
1914

CRISTINA

THE  
WELLINGTON  
LIBRARY  
INSTITUTE  
1914



WELLINGTON  
NEW ZEALAND  
1914





DISPUTATIO MEDICA

INAUGURALIS

DE

# CRISISIBUS.

THESIS I.



uid per κρίσις intelligendum sit, Autores inter se non conveniunt, Alii enim simplicem naturæ conatum, quo res sibi noxias expellere nititur; Alii repentinam morbi mutationem, quæ de vita & morte ægrotantium decidit: Alii denique *Naturales & subitas tantum evacuationes morbum feliciter solventes* hoc nomine designant. Hanc autem ulti-

nam significationem amplectimur, quippe quæ sit pluribus familiaris, neque symptomaticas evacuationes cum criticis confundere videatur.

## I I.

Crisis eo sensu accepta multas admittit differentias pro natura & quantitate rerum quæ excluduntur : Dicitur enim perfecta cum nulla secretio melior & tutior excogitari potest, ita ut æger continuo sanus fiat, quæ tamen rarissime contingit; eam vocamus imperfectam quæ totam materiam morbosam è corpore non eliminat, unde convalescentia in moras trahitur: tuta quoque nuncupatur, dum tuto, quamvis lentiori gradu perducit ad sanitatem, dubia vero & anceps quæ minatur recidivam; falsa denique, quam mors contra omnem spem sequitur.

## I I I.

Evacuationes autem criticæ sunt omnimodæ, inter eas enim numerantur salivatio, vomitus, diarrhæa, diuresis copiosa, sudores, hemorrhagiæ, hemorrhoides, abscessus, bubones, exanthemata, erisipelas, scabies, & omnes affectus cutanei.

## I V.

Crisibus, modo natura non cohibeatur, acuti morbi sæpe judicantur, rarissime cronici, nam humores in iis videntur nimis crassi & tenaces ut celeriter evacuentur, in aliis vero quorum causam esse bilem tenuem Hippocrates affirmat, è corpore facilius exigi possunt.

## V.

Cuique morbo sunt crises propriæ, alii enim per sudores, alii per urinas, alii vero per contrarias prorsus vias terminari gaudent, prout differunt natura.

I. In febribus continuis sudor est optima criseos via, quæ si recte succedat, non raro semel & una vice sine recidivæ metu, morbum perfecte solvit : Huic proximè succedit, quæ per hemorrhagiam crisis tentatur. Cujus exempla passim extant apud

auto-



autores, quin etiam mensium fluxum in mulieribus aliquando criticum Forestus observavit. *lib. 1. obs. 20.* sunt & alii quidem modi quibus natura materiam febrilem expellere nititur, modo per urinas, modo per vomitum, aut secessum, modo per pustulas in labiis & naribus erumpentes, per exanthemata, & bubones, sed paulatini & per partes, nec sine recidivæ periculo illud opus perficitur. Non inficias ibo fieri interdum ut febris per diarrhæam sibi viam faciat atque effugiat; verum illud rarius accidit, quam ut illius spe quicquam moliamur: idem etiam dicendum de febre continuâ indolis sibi propria quæ annis 1667. & 1668. sævit in Anglia. *Ptyalismus quandoque satis copiosus sub finem accedebat, testimonio Clar. Sydenham si nempe nulla insignior præcesserat evacuatio, atque agro julapia refrigerantia imperata fuerant, quo quidam, si neque evacuationibus neque usu medicamentorum calidorum fuerit interceptus, morbus ultra spem omnem fugam sibi quarebat.*

2. Quoad febres intermittentes, tertianæ symptomata quædam supervenire solent, quæ pro morbi hujus crisibus bonis vulgo habentur, & revera aliquando istis apparentibus, affectus aut plane cessat, aut de solita atrocitate remittere incipit. Sunt autem ejusmodi signa præcipuè hæc tria, scilicet labiorum ulcuscula, phlegmon, icterus: Riverius vero Præcticus felicissimus, alvi fluxum, materia jam concocta, supervenientem esse unicam viam, qua hujusmodi febres perfecte judicantur, asserit, cum enim, inquit *illarum focus in cystide fellea, vel hepate, vel mesenterio, aliisque partibus primæ regionis contineatur, etiamsi quæ singulis accessionibus effertur exhalatio, in habitum corporis irrepens vel sudoribus vel insensibili transpiratu vel papulis expurgetur, manet tamen crassamentum, quod nisi beneficio natura vel medicamentorum per alvum expurgetur, aut febris diuturna aut obstructionum, aut recidivæ, aut aliorum morborum contumacium causa esse solet.*

3. Febris quartana est naturæ pertinacioris, & cum sanguis sit admodum crassus, vix crisibus ullis solvitur: aliquos tamen fluxu hemorrhoidum curatos, authores referunt, dum hemorrhagia è naribus pessima dicitur maxime si sanguis stillet & nigrior solito appareat.

4. In febribus pestilentibus nulla ferme certitudo in signis, co-



piofa admodum urina, quam febris imminutio non fequitur, alvi fluxus, vomitus, tumores &c. plerumque funt è numero fymptomatum; foli fudores, etiamfi rariffime, funt critici.

5. Peltis autem alium typum obfervat, quamvis à multis cum febribus peftilentibus confundatur, nam dum neque fponte fua aberrat, neque vi aliqua tranfverfum agitur, per abfcelfum aliquem in emunctoriis erumpentem, unde materiæ exitus patefcit, negotium fuum exequitur. Verum, lubricam atque aleæ plenam in fe effe hujus morbi per tumores indicationem ex eo manifefturn eft, quod interdum bubo, qui cum fymptomatum remiffione & optimo curationis figno primum protuberaverat, poftca ex improvifo difpareat, ejufque loco maculæ purpureæ, certiffimi mortis indices, fuccedant. *Vide Thom. Sydenh. pag. 101.*

6. Inter febres peftilentes variolæ poffunt numerari, in quo affectu, nulla crisis melior contingit, quam legitima puftularum eruptio; Evacuationes aliæ potius nocent, quam juvant, illud tamen maxime obfervandum eft, diarrhæam infantibus prodeffe in variolis confluentibus, dum adultos enecat, ideo quod in iis humores funt multo acriores, quam in aliis.

7. Febres excipere debet lethargus, cum fit morbus acutus feбри conjunctus. Saliva eft lethargi humoribus craffis ac lentis maxime proxima; igitur, fi lethargi materies cum fanguine fluere incipiat, & ea glandulis falivalibus & nafi, fecernatur, illa falivatio & mucus erunt procul dubio falutares; Parotides quoque boni ominis videntur, quocumque tempore fuperveniant: quoniam vero illud facile contingit, ut Parotidum ille tumor non per fputum abfumatur, fed in pus abeat & fuppuretur, fiet ille lethargicus ad Parotides empyicus. An autem Hippocrates hanc folutionem innuerit his verbis: 'Οκόσι ἢ σώζονται τῷ ληθαργικῶν, ἐμπυοὶ ὡς ὀπιτοπολὺ γίνονται. *Qui ex lethargicis fervantur, plerumque fuppurati funt. coac. prænotiones. pag. 532.* Autores dubitant. Willifius autem, ut litem dirimeret, materiam morbi putrefactam non folum per aures & nares, fed etiam per fputum & per pectoris affectionem evacuari teftatur. Sed quorſum hæc ſubterfugia, inquit Vir Clar. cum ſæpe contingat, materiem morbiſicam in capite defixam, primo veternum excitare, dein poſtea eandem materiam à ſanguine reſorptam, & in



in pectore depositam, Empyema aut sputum instar tabidorum producere. In descriptione febris epidemica soporosa, quæ regnavit anno 1661. hoc plurimis accidisse notavimus. Will. de letharg. cap. 3. Excretionēs autem tenues & copiosæ sive per urinam & alvum sive per sudores fiant multum nocent, cum illud omne quod liquidissimum est aut tenuissimum abripiatur, quicquid crassi & visceri existit relinquatur.

8. Apoplecticis crises raro superveniunt: sudor & diarrhæa denotant virium imbecillitatem; hæmorrhagiæ sunt pessimæ. Multo magis sperandum est à vomitu, qui non nisi à spiritibus animalibus vim suam exercentibus oriri posset; eadem quoque ratione febris in apoplexia est interdum salutaris. Hipp. Aphor. S. VI. 51.

9. Peripneumoniam autem abscessus in parotidibus & ad crurâ solvent. quibuscumque ex peripneumonia abscessus circa aurem aut ad infernas partes fiunt & suppurantur ac fistulantur, hi superstites evadunt. Hipp. in coacis prænot. Quoniam humor lentus, qui inflammationem pulmonum efficit, à sanguine resorberi, & per alias partes egressum tentare videtur. Si autem copiosa hæmorrhagia narium succedat, minuetur copia sanguinis, qui cæteroquin pulmonem distendere magis debuisset, unde fibræ partis inflammatæ facilius contrahentur, & materiam inhærentem expriment.

10. Quid de Empyicis putem nescio, qui per urinas & alvum purgari dicuntur, nempe pus à venis resorbetur, ad cor defertur, ex corde per circulationem sanguinis ad renes pervenit; sed quoquomodo fiat hæc evacuatio, est admodum rara, nec salutem nisi viribus existentibus portendit.

11. Angina correpto, si tumor oriatur in collo, bonum, foras enim morbus vertitur. aph. S. 6. 37. ab angina detento tumor & rubor in pectore superveniens bonum: foras enim morbus vergit. Aph. 46. S. V. 11. nihilominus accidit nonnunquam, ut inflammatio tam ad interiora, quam ad exteriora extendatur, in quo casu Aphorismi veritas suspecta sit.

12. Convulsiones febre acuta, alvi fluxu, urinis vitreis, sputo solvuntur. Convulsionem solvit febris acuta, quæ prius non aderat, aut si prius ad fuit, ingravescent, confert autem & urina vitrea copiosus pertransitus & alvi fluxus & somnus: convulsiones autem derepente cras febris solvit & alvi fluxus. Hipp. coac. prænot. quibus cum dentes erumpunt



punt, alvus crebrius demittit, minus convulsione tentantur quam quibus sic raro alvus subducitur. Hipp. de dentitione; ut autem cognoscamus cur & quando illa contingant, ad causas convulsione respiciendum est. Convulsiones ab irritatione orientes optime curantur per alvi fluxum, quo bilis acris & mordax evacuetur; si autem materia quædam viscosa & crassa fibras musculi cujusdam ita infarciat, ut spiritus animales eas non sufficienter influant, sed contractio musculi antagonistæ cui nihil æquipollet inde sequatur, tunc à sputo & urinis aliquid sperandum est: quin etiam febris acuta motu & violentia spirituum eas obstructions poterit referere.

13. Simili prorsus ratione paralytis recens, & debilis, cujus causæ sunt humores pituitosi curatur quoque febribus, aut diarrhæa, quæ humiditatem nimiam absumunt, sed si resolutio membrorum ab alia causa oriatur, aut si partes tonum omnino amiserint, sanitas exinde non sequetur.

14. Idem judicandum de hydropo & leucophlegmatia, quibus alvi profluvium supervenit, aut copiosa diuresis: modo viscera sint bene constituta, vires subsistant, neque apestia seu cruditate ventriculus laboret, de his crisiis bene sperandum est.

15. Vomitus curat sæpissime diarrhæam inveteratam, cum enim cibi putrefacti in primis viis hærentes possint eam efficere, si per vomitum ventriculus & duodenum emundentur non solum causa præsentis diarrhææ tollitur, sed etiam ne in posterum accidat restituta chilificatio impedit.

16. Vertigo quandoque hæmorrhagia narium sponte solvitur, cum ab arteriarum nimia distensione, aut nisu in nervos oculares, & in Retinam oriatur.

17. *Insanis si varices vel hæmorrhoides supervenerint morbi solutio fit aphor. 21. Sect. 6.* scilicet insanorum sanguis, lymphæ & spiritus abundant partibus solidis, quæ in melancholicis motu carent, in maniacis vero admodum agitantur; unde robur, audacia, virium constantia: talibus autem humoribus per varices & hæmorrhoides expulsis proculdubio insani multum emolumenti debent recipere, nam 1°. melancholicorum sanguis particulis fixis, & nimis molis expurgatus, facilius circuitum absolvit, & satis mobiles spiritus cerebro & nervis suppeditabit, 2°. maniaci ex suo furore remittent, cum nervi iis particulis solidis



careant, quæ impetu & violentia fibras musculorum distenderent.

18. Quamvis Hippocrates aph. 25. S. 4. asserat sanguinem superne quidem efferri, qualiscumque sit malum, possunt tamen dari fluxus ex iis partibus critici, adeoque vel plane naturales vel minus mali, quos hic Aphorismus non respicit; ideo idem autor in alio loco illud affirmat *mulieri mensibus deficientibus sanguis e naribus profluens bono est*: ita etiam insignes medici per sputum sanguineum, mulieres à suppressione mensium liberari narrant.

## V I.

Unde autem crises proveniant, nunc videamus. Equidem fateor iis inesse quicquam admirandum, cum vitam iis qui periclitari videbantur, imo quos medicus desererat, subito concilient, in syderibus tamen vel in luna crisiū principia & origines contra antiquorum doctrinam quærantur non necesse est, quin potius causas rationi & legibus naturæ consentaneas in ipso corpore humano inveniēmus.

1. Prima desumitur ab humorum maturitate, eorum scilicet attenuatione & facili transitu per organa excretionis. Révera in initio morbi videntur admodum inepti ad hanc secretionem propter crassitiem sed illud omne quod est in motu variis mutationibus, diversisque figuris suscipiendis fit obnoxium, porro materia morbifica, dum sanguinis, lymphæ spirituumve circuitum comitatur, urgentibus circumquaque particulis continuo alliditur, ita ut molem, motum, figuram, immutet, facilioremque transitum quo aditus antea denegabatur, acquirat id autem eo facilius contingit, quod secretionis organa per morbum debilitata & relaxata irritatæ naturæ, quæ partes sibi contrarias foras expellere nititur resistere non possunt, imo corpora insolentis figuræ admittere cogantur. Unde sequitur evacuatio modo per urinas, modo per sudores & alias vias secundum diversam humorum attenuationem.

2. Cum autem natura opus suum variis modis exequatur, Crises non semper propter hanc rationem sed causam prorsus contrariam contingunt, nimirum crassitiem materiæ



morbificæ; dum enim cum sanguine & genuinis corporis liquoribus non intime miscetur, & poros inequaliter replet, eam particulæ circumambientes ex loco protrudunt, donec ad fundum vasorum præcipitetur: hoc autem modo non solum morbi cutanei, scabies, inflammationes, quibus morbi solvuntur, videntur contingere, sed etiam hemorrhagiæ, nam si hæc præcipitatio humorum fiat in extremitate arteriarum & sequatur obstructio, sanguis super affluens semper urget, impetum facit, tandem, materia obstruente simul abrepta, perrumpit, & extra vasa effunditur.

3. Item crisibus multum contribvunt externa ut causæ adjunctæ, aër, qui sanguini permiscetur, alimenta quibus vescimur, calor, frigus & alia quæ in corpus maxime influunt, quatenus spiritus animales afficiunt, sanguinis & humorum motum plus minusve promovent aut sistunt, vel manantibus per poros corpusculis claudunt iter aut aperiunt.

## V I I.

Jam vero cum criticæ evacuationes non tantum dependeant ab humorum natura quantum ab eorum figura, & organorum præsentis conformatione, non semper contingit, ut quod vel qualitate vel quantitate negotium faceffit, duntaxat exterminetur, contra vero benignus atque salutaris humor sæpissime exigitur, vel pariter cum pernicioso promiscue nullo delectu, nullisque legibus prorumpit; hinc crises imperfectæ aliis sunt frequentiores: hinc etiam infidæ & fallaces sæpissime inveniuntur.

## V I I I.

Ne autem medicus decipiatur; ad ea quæ bonam crisin constituunt attendere debet.

1°. Evacuatio moderata requiritur: à parva quippe non multum sperandum est; vires autem à nimia debilitantur. *Vomitus paucus & laboriosus in acuta febre malus, sudores in diebus*  
judi-



*judicatoriis aborientes vehementes & veloces periculosi sunt. Aph. 8. 1v. quæ larga violente multa ex naribus fluxerint, aliquando ad convulsiones adducunt. stilla sanguinis parca per nares effluentes, mala &c.*

2. Qualitas rerum, quæ evacuantur, est consideranda. Sudores frigidi, fætidī, & non universales per totum corpus, item qui instar granorum milii in cute apparent sunt mali. Vomitus, iudicio Hippocratis, commodissimus est ille, qui ex pituita ac bile quam maxime permiscetur, nec nimius, neque crassus valde: Contra variegatus imo sincerus & impermixtus, niger, lividus, æruginosus, porraceus, fætidus ac graveolentis odoris condemnatur. *Alvi dejectio sit subfulva & non valde graveolens Hipp. de crisib.* contra excrementum valde aquosum, album, pallidum, viride, vehementer rufum, spumosum, viscosum, nigrum, pingue, ac solito fætidius, malum reputatur. Urina coloris subrufi aut subflavi, cum hypostasi alba, lævi & æquali, pus optime concortum referenti dicitur optima. Contra malæ sunt urinæ spumosæ, albæ, limpidæ sine sedimento, crassæ & confusæ permanentes, nigrae, fætidæ &c.

3. Ad locum evacuationis respiciat medicus. 1. An sit legitimus talique evacuationi debitus hinc sanguinem per vesicam effluentem malum esse iudicabit. 2. An sine magno periculo evacuationem efficere possit. Hinc abscessus interni, vel in pulmonibus discrimen portendunt. 3, An morbus soleat per hanc viam terminari, nam experientia in hac re plus docet quam aliud quicquam.

4. Medicus attente videat. 1. An vires ægro permaneant necne. Nam bonis crisibus augentur nedum labefactentur. *Sudores boni sunt qui morbum facilius ferre faciunt. Hipp. de crisibus. In perturbationibus ventris & vomitibus sponte evenientibus evacuatio confert & eam ægri facile ferunt si quidem qualia oportet purgari, purgentur. aph. 2. S. 1. 2.* An crisis symptomati aliquo periculoso adjungatur. Nam inquit Hipp. *crisim, quæ cito ad melius tendunt plerumque eadem signa sunt quæ etiam sanitatis. Hipp. de crisib.*

5. Signa concoctionis præcedere debent. Nempe facilitatis, quam humores habent sese separandi à sanguine, quæ præcipuè ex urina apparet ubi sedimentum est legitimo proximum.

6. Tempus respiciendum esse quidam existimant. An ve-

ro sint dies crisibus proprii nec ne magna est dubitatio. Hi erant, iudicio veterum dies 3. 4. 5. 7. 9. 11. 14. 17. 20. (vel secundum alios 21.) 27. 31. 34. Ita ut Hipp. si alio die febris defisset recidivam timere sit solitus. Aph. iv. 36. Summa criseos bonæ potentia septimo deinde quatuordecimo, deinde vigesimo, vel vigesimo primo dabatur. Eos proxime excipiebant, undecimus, decimus septimus. In quibus certa futuri nota, ideo indices vocabantur. *Septimorum quartus est index, sequentis septimane octavus initium, notandus quoque est undecimus, si quidem is secundæ quartus est, rursumque decimus septimus observandus: is enim à quarto decimo quartus est, & ab undecimo septimus.* Aph. 24, S. 11. Imperfectionibus autem crisibus gaudebant tertius, quintus, nonus, decimus tertius, decimus nonus. Alii vero dies intermedii, quorum nulla sit mentio, ut sextus, octavus, decimus, duodecimus, decimus sextus, decimus octavus erant inefficaces aut saltem nulla evacuatio nisi pessima, in iis contingere poterat, præcipue die sexto quem antiqui atro carbone notabant. *Sudores sexto die manantes pessimi. Icterus sexto die lethalis est.* Ut autem quicquid veri sit in hac hypothese admittatur, quicquid falsi supponatur, rejiciamus, opère pretium est ut ad rationis & experientiæ normam omnia metiamur.

1. Crisis non potest contingere dum materia morbifica arte mixta cum sanguine permanet.

2. Antequam humores præcipitentur, attenuentur, vel alio modo ad evacuationem disponantur, aliquid temporis requiritur.

3. Hoc spatium temporis dependet ab ipsa natura humorum, alii enim citius, alii tardius maturantur.

4. Ut autem humores in unoquoque morbo non sunt similiter affecti, ita quoque tempus crisibus proprium erit diversum pro ratione morbi: unde dies crisibus omnibus convenientes non assignari posse videmus.

5. Sed quando quidem ejusdem morbi ratio mutatur pro ægri temperamento, pro aere, alimentis, medicamentis, quæ vel promonent, vel retardant humorum maturitatem; ideo morbus quidam peculiaris non habet suas crises præciso tempori alligatas,



& si paulo citius vel tardius contingat crisis in hoc febricitanti, quam in illo, nullum inde periculum.

6. Quoniam autem morbi differentia, pro diversitate subjectorum, non est infinita, sed pleraque pars hominum multis inter se convenit, ita quoque tempus cricum habet limites: & experientia poterimus cognoscere intra unum, duo aut tres dies, quibus talis morbus soleat criticis evacuationibus judicari, modo ordinarium typum observet. Ita pustulæ in variolis modo die secunda modo tertia modo quarta modo quinta erumpunt, eandemque proportionem in earum maturitate videmus.

## I X.

Hæc autem signa bonæ criseos non debent separari, sed ut major fiat certitudo, simul omnia aut pleraque medicus in iudicio suo consideret.

## X.

Sed non sufficit, ut præsentis criseos qualitas cognoscatur, videndum quomodo criseim futuram esse judicemus: sunt duo indicia. 1. Incepta humorum concoctio, aliquibus diebus ante crism: unde forte antiqui quartum, undecimum, & decimum septimum notaverant. 2. Anxiety ægri eodem tempore, quo coctio jam inceperit. Hæc autem ægrotantis inquietudo ab eo procedit, quod materia morbifica cum sanguine non amplius circuletur, sed in membranas partis cui adhæret, fortius quam antea impingit.

## X I.

Signa loci per quem crisis futura sit, paucissimis absolvam.

1. tenuis sputatio, ventriculi dolor, horror inferiorum partium, capitis dolor, vomitum indicunt.

2. Alvi fluxum denotant intestinorum murmur, & mordicatio, flatus erumpentes &c.

3. Menstruorum eruptionem præcedunt tensio & dolor grativus lumborum ardor, circa pudendum &c.

4. Hæmorrhoides pruritus ani, arteriarum ani inflatio & tumor dabunt.

5. Temperamentum biliosum, sanguineum, calor aëris, rubor in facie, oculis, naribus, ac malis, visus hebes, pulsatio arteriarum, pruritus narium, pulsus magnus indicant hæmorrhagiam.

6. Sudorem vero morbus acutus, calida aëris constitutio, humores, tennes, & calidi in corpore, urinæ diminutio, mædor per corpus diffusus.

7. Signa abscessus sunt pulsatio in parte, tensio, rubor, materia crassa & viscida &c.

## X I I.

Quid autem in crisis medico sit agendum, jam videntum. Ante crises medicus ita dirigat medicamenta, ut solitæ crises non impediuntur, sed potius promoveantur naturam adjuvet, ac moderetur; si calor sit nimius in ægro, aptis remediis diminuatur, cum tunc separatio materiæ morbificæ non possit fieri; si vero calore debito, & viribus careat, protinus augeantur, ut humores facilius attenuentur, & ad maturitatem proveniant. In ipsa vero crisi medicamenta quæ adjuvent evacuationem, dari possunt, ut clysteres in diarrhæis, diuretica in urinæ copia, vomitorium in vomitibus. Vomitorium ex aqua tepida, oxymelle scillitico, vel ex infusione croci metallorum fiant, sed vomitoria ex oleo conflata improbo, cum salia acra non dissolvant. In hæmorrhagiis nihil movendum, nam, cum materiam morbificam in extremitate arteriarum præcipitatam supposuerim, eam Venæsectio non extrahet. Bubonibus emollientia, ut foras expellatur pus ibi concretum, applicentur, & alia omnibus nota.



# A N N E X A.

## I.

*Dantur effervescentia frigida: sed absit disputatio de verbis.*

## I I.

*Corpora non semper fiunt leviora & volatilia per cohobationem: interdum vero crassiora & fixiora.*

## I I I.

*Alkali & pituita sunt causa morborum frequentissima: acidum vero est causa rarissima.*

## I V.

*Datur circulatio spirituum animalium ex sanguine in nervos, ex nervis vero in sanguinem.*

V. Com-

V.

*Communicatio nervorum fit solum in cerebro & in plexibus nervosis.*

V I.

*Febris nihil aliud est quam inordinatus spirituum motus vel propter sanguinem acrem ut in continuis, vel propter obstructions viscerum, ut in intermittentibus.*

V I I.

*Semen virile agit in sanguinem mulieris, ut fiat conceptio.*

F I N I S.

